



Cyngor Sir
CEREDIGION
County Council

**Codi Tâl am Ofal a Chymorth
Amhreswyl**

**Canllaw i Asesiad Ariannol a
Thaliadau**

2025-2026

Cyflwyniad

Mae'r llyfryn hwn yn esbonio sut y gallech chi fod yn gymwys i gael help tuag at gostau gwasanaethau yr ydych yn eu derbyn yn eich cartref eich hun ac yn y gymuned ac mae'n cynnwys gwybodaeth am ofal tymor byr sydd wedi'i gynllunio (hyd at 8 wythnos) a gofal seibiant (hyd at 6 wythnos). Mae Deddfwriaeth Llywodraeth y Deyrnas Unedig a Llywodraeth Cymru yn nodi'r hyn sydd angen inni ei ystyried pan fyddwn yn asesu eich gallu i dalu ffioedd cartrefi gofal. Er mwyn sicrhau bod y taliadau a wnawn yn deg, rydym yn defnyddio polisi codi tâl, sy'n seiliedig ar ddarpariaethau Deddf Gwasanaethau Cymdeithasol a Llesiant (Cymru) 2014 - <https://www.legislation.gov.uk/cy/anaw/2014/4/contents/enacted> gan gynnwys;

- Rheoliadau Gofal a Chymorth (Gosod Ffioedd) (Cymru) 2015 - http://www.legislation.gov.uk/wsi/2015/1843/pdfs/wsi_20151843_mi.pdf
- Rheoliadau Gofal a Chymorth (Asesiad Ariannol) (Cymru) 2015 - http://www.legislation.gov.uk/wsi/2015/1844/pdfs/wsi_20151844_mi.pdf
- Cod Ymarfer Rhan 4 a 5 (Codi Ffioedd ac Asesiadau Ariannol) – <https://llyw.cymru/cod-ymarfer-ar-godi-ffioedd-am-wasanaethau-gofal-cymdeithasol>

<u>Cynnwys</u>	<u>Tudalen</u>
1. Pa wasanaethau gofal a chymorth yng nghartref y person ei hun neu yn y gymuned y mae'r Cyngor yn codi tâl amdanynt?	2 – 3
2. Beth yw Asesiad Ariannol?	3 - 4
3. Beth mae Asesiad Ariannol yn ei gynnwys?	4 – 6
4. A allaf i gael gwared ar fy asedau o gwbl? .	6
5. A oes angen imi ddweud wrthyich chi am unrhyw newid?	6 – 7
6. Sut mae talu?	7
7. Os ydych chi'n credu bod eich Asesiad Ariannol chi'n anghywir.	7
8. Manylion cyswllt y Tîm Asesu Ariannol.	8
9. Beth os wyf yn anfodlon â'r gwasanaeth neu os wyf am wneud cwyn?	8
10. Gyda phwy ddylwn i gysylltu i drafod fy anghenion gofal a chymorth?	8
11. Manylion cyswllt defnyddiol eraill.	8
12. Y taliad wythnosol uchaf am Ofal a Chymorth Amhreswyl.	9
13. Y terfyn cyfalaf perthnasol ar gyfer y flwyddyn ariannol.	9
14. Codi Tâl am Ofal a Chymorth Amhreswyl.	9 – 10

1. Pa wasanaethau gofal a chymorth yng nghartref y person ei hun neu yn y gymuned y mae'r Cyngor yn codi tâl amdanynt?

- Mae'r Cyngor yn adolygu'r gwasanaethau y mae'n codi amdanynt yn gyfnodol, ac yn adolygu'r tâl am bob gwasanaeth yn flynyddol, o leiaf.
- Mae rhai pobl yn talu'n llawn am y gwasanaethau, nid yw rhai yn talu dim a bydd eraill yn talu rhywbeth.
- Bydd y gofal am ddim:
 - os ydych chi'n derbyn gwasanaethau gofal o dan Adran 117 Deddf Iechyd Meddwl 1983;
 - os ydych chi'n oedolyn sydd wedi cael diagnosis o Afiechyd Creutzfeldt-Jacob;
 - os ydych chi'n derbyn Gwasanaeth Ail-alluogi;
 - neu os yw eich gwasanaethau'n cael eu hariannu drwy Ofal Iechyd Parhaus gan y Bwrdd Iechyd Lleol.
- Mae'n werth nodi nad oes neb yn talu'r gost lawn am y gwasanaethau y maent yn eu derbyn, gan fod y tâl a godir ar ddefnyddiwr gwasanaeth am wasanaeth fel arfer yn llai nag y mae'n costio i'r Cyngor ddarparu'r gwasanaeth hwnnw.

1.1 Y Taliadau Cyfradd Safonol am Wasanaethau Gofal a Chymorth ac Ataliol Lefel Isel

- Mae'r Cyngor yn gosod ffioedd ar y gyfradd safonol am wasanaethau gofal a chymorth lefel isel megis golchi dillad a phrydau ac am wasanaethau ataliol a chymorth. Mae pawb sy'n cael y gwasanaeth yn talu'r un tâl. Dyma'r gwasanaethau sydd ar y gyfradd safonol:
 - Prydau yn y Cartref
 - Prydau yn y canolfannau gofal dydd
 - Golchi dillad
 - *Lifeline* a larwm gwddf
 - Technoleg Gynorthwyol

Mae'r taliadau cyfradd safonol i'w gweld yn Adran 14.1

1.2 Y taliadau sy'n cael eu gosod gan Lywodraeth Cymru

- Mae gwybodaeth ynglŷn â phwy sy'n gallu cael Bathodyn Glas a sut i ddefnyddio'r Bathodyn Glas yn iawn ar gael ar y wefan: www.ceredigion.gov.uk

Mae taliadau o ran y Bathodyn Glas yn berthnasol i'r canlynol:

- Y cyrff hynny sy'n gofalu am bobl anabl; neu
- Bathodynnau newydd yn lle'r hen rai i unigolion a sefydliadau os yw eu bathodynnau wedi eu difrodi neu os ydyn nhw wedi eu colli nhw.

Mae'r taliadau sy'n cael eu gosod gan Lywodraeth Cymru i'w gweld yn Adran 14.2

1.3 Taliadau Gofal a Chymorth sy'n destun Asesiad Ariannol a'r Tâl Wythnosol Uchaf sy'n cael ei osod gan Lywodraeth Cymru

- Mae'r gwasanaethau isod yn destun asesiad ariannol (prawf modd) er mwyn penderfynu faint yn rhesymol y mae'r unigolyn yn gallu fforddio ei dalu:
 - Gofal yn y Cartref
 - Taliadau Uniongyrchol (yn lle gwasanaethau gofal yn y cartref)
 - Byw â Chymorth
 - Cysylltu Bywydau (y Cynllun Lleoli Oedolion gynt)
 - Arosiadau tymor byr (hyd at 8 wythnos) a gofal seibiant (hyd at 6 wythnos) **neu** Taliadau Uniongyrchol yn lle'r gwasanaethau hynny
- Os byddwch chi'n derbyn y gwasanaethau hyn, gwahoddir i gael asesiad ariannol (prawf modd) a bydd y swm y byddwch yn ei dalu am y gwasanaethau'n dibynnu ar y math o wasanaethau y cewch eich asesu i'w derbyn yn ogystal â'r incwm a'r cyfalaf sydd gennych chi.
- Bydd yr asesiad ariannol yn pennu'r union swm y bydd rhywun yn ei dalu ond mae'r tâl uchaf y byddai rhywun yn gorfod ei dalu i'w weld yn Adran 12. Mae rhai pobl yn talu llawer llai ac nid yw rhai yn gorfod talu dim am y gwasanaethau.

Mae'r taliadau sy'n destun asesiad ariannol i'w gweld yn Adran 14.3.

2. Beth yw Asesiad Ariannol?

- Mae'r asesiad ariannol (prawf modd) yn penderfynu faint yn rhesymol y medrwch chi fforddio ei dalu am y gwasanaethau sy'n destun asesiad ariannol fel yr amlinellir yn Adran 1.3.
- Byddwn yn ysgrifennu atoch i ofyn i chi lanw ffurflen 'Datganiad o Fodd'.
- Os nad ydych chi'n delio â'ch materion ariannol eich hunan, gall y sawl sy'n gwneud hynny ar eich rhan lanw'r ffurflen drosoch chi.
- Mae gennych yr opsiwn i beidio â datgelu eich sefyllfa ariannol, ac os felly, gofynnir i chi i dalu'r tâl priodol am y gwasanaeth(au) y cewch eich asesu i'w gwneud yn ofynnol, hyd at uchafswm y tâl wythnosol a amlinellir yn Adran 12.
- Mae'n bwysig nad ydych chi'n talu mwy nag y dylech chi. O fwrw golwg dros eich sefyllfa ariannol gallwn wneud yn siŵr bod eich tâl yn gywir a'ch bod chi hefyd yn cael yr holl fudd-daliadau y mae gennych hawl iddyn nhw. Gellir rhoi cyngor a chymorth i'ch helpu i hawlio unrhyw hawliad budd-daliadau'r Adran Gwaith a Phensiynau/Canolfan Byd Gwaith.
- Byddwn yn gofyn am gael gweld unrhyw ddogfennau ariannol perthnasol a bydd angen inni wneud copïau o'r dogfennau ariannol y byddwn yn eu defnyddio er mwyn sicrhau

bod gennym gofnod cywir o'ch sefyllfa ariannol adeg eich asesiad ariannol. Mae gennym weithdrefnau i warchod eich preifatrwydd chi.

- Os byddwch chi'n gwneud datganiad ffug yn fwriadol ar ffurflen y 'Datganiad o Fodd' er mwyn lleihau neu osgoi atebolrwydd i dalu taliadau, neu, os na ddatgelwch chi'r amgylchiadau ariannol i gyd, gallech wynebu gorfod talu cost lawn y gwasanaeth / gwasanaethau fel y nodir yn Adran 12.
- Byddwn yn penderfynu ynghylch y swm y gallwch chi fforddio ei dalu'n rhesymol am y gwasanaethau sy'n destun asesiad ariannol cyn gynted ag y bydd gennym ddigon o wybodaeth a dogfennau i wneud hynny.
- Ar ôl inni benderfynu, byddwn yn rhoi datganiad i'r sawl a gafodd yr asesiad ariannol gan nodi'r tâl, a byddwn yn egluro sut cafodd yr asesiad ei gynnal, beth fydd y tâl a pha mor aml y caiff ei godi.
- Unwaith y bydd tâl wedi ei bennu, bydd gofyn i chi dalu'r gost o'r dyddiad y bydd y gofal a'r cymorth yn dechrau.

3. Beth mae Asesiad Ariannol yn ei gynnwys?

- Bydd asesiad ariannol yn cael ei gynnal ar y sawl sydd i dderbyn y gwasanaeth / gwasanaethau a asesir yn ariannol. Dim ond incwm a chyfalaf y mae gan y person hwnnw hawl i'w hystyried. Pan ddeler incwm, cyfalaf/buddsoddiadau ac ati ar y cyd â rhywun arall byddant yn cael eu rhannu'n gyfartal, neu ar sail hawl os yw'r cofnodion a gawn yn dangos rhywbeth gwahanol. Os yw'r budd-daliadau'n cael eu talu i 'gwpl', caiff y swm sy'n cael ei dalu i'r sawl sy'n derbyn y gwasanaeth ei ystyried fel rhan o broses yr asesiad ariannol. Mewn rhai amgylchiadau, gallwn ni asesu incwm cwpl ond dim ond os yw hynny'n fwy manteisiol yn ariannol i'r sawl sy'n cael ei asesu.
- Os oes rhywun arall yn byw gyda chi yn yr un cyfeiriad, bydd y Cyngor yn ceisio sicrhau na fydd incwm yr aelwyd yn mynd yn llai na'r lefel benodol sydd wedi ei gosod gan Lywodraeth Cymru. Byddai asesiad ariannol ar gyfer y person arall/y rhai eraill sy'n byw yn y tŷ yn cael ei gynnig a gallai hynny arwain at leihau'r tâl i'r sawl sy'n derbyn y gwasanaeth.

3.1 Cyfalaf

- Mae Llywodraeth Cymru'n gosod terfyn cyfalaf perthnasol bob mis Ebrill fel yr amlinellir yn Adran 13. Os yw eich asedau chi, gan gynnwys cynilion, cyfrifon cyfredol, buddsoddiadau ac eiddo (os ydyw'n berthnasol) yn uwch na'r terfyn hwnnw, bydd yn rhaid i chi dalu hyd at y ffi wythnosol llawn fel y nodir yn Adran 12.
- Ni fyddwn yn cynnwys eich prif breswylfa wrth gyfrifo faint o gyfalaf sydd gennych chi, ond bydd unrhyw eiddo/tir arall yn cael eu cynnwys. Hefyd, mae'n bosib y bydd rhai mathau o gyfalaf wedi'u heithrio wrth benderfynu faint o gyfalaf sydd gennych. I gael mwy o wybodaeth am hyn, cysylltwch â'r Tîm Asesu Ariannol (mae'r manylion cyswllt yn Adran 8.0).

- Os yw eich cyfalaf chi o dan y terfyn, caiff ei ddiystyru yn yr asesiad ariannol a bydd y tâl a gaiff ei asesu'n dibynnu ar eich incwm a'ch treuliau/lwfansau chi yn unig fel y nodir yn Adrannau 3.2 a 3.4.
- O dan rai amgylchiadau efallai yr ystyrir bod gennych chi gyfalaf er nad oes gennych chi ddim mewn gwirionedd. Yr enw ar hynny yw cyfalaf tybiannol ac mae'n gallu cynnwys cyfalaf:
 - a fyddai ar gael i chi petaech chi'n gwneud cais amdano;
 - sy'n cael ei dalu i rywun arall ar eich rhan chi;
 - yr ydych chi wedi eich amddifadu eich hun ohono er mwyn lleihau'r swm y mae'n rhaid i chi ei dalu am eich gofal a'ch cymorth. (gweler Adran 4).
- Felly, eich cyfalaf chi, at ddibenion yr asesiad ariannol, yw cyfanswm y cyfalaf gwirioneddol a'r cyfalaf tybiannol. Fodd bynnag, os yw eich cyfalaf gwirioneddol yn uwch na'r terfyn cyfalaf, efallai na fydd angen ystyried eich cyfalaf tybiannol.

3.2 Incwm

- Yn y rhan fwyaf o achosion bydd eich holl incwm o bob ffynhonnell, gan gynnwys budd-daliadau lles yn cael ei gynnwys yn yr asesiad ariannol. O dan rai amgylchiadau efallai y bydd angen diystyru rhai elfennau o'ch incwm chi, neu, ddefnyddio lwfansau, er mwyn lleihau'r incwm a gaiff ei gynnwys yn yr asesiad ariannol fel y nodir yn Adran 3.4.
- O dan rai amgylchiadau efallai yr ystyrir bod gennych chi incwm er nad oes gennych chi ddim mewn gwirionedd. Yr enw ar hynny yw incwm tybiannol ac mae'n gallu cynnwys incwm, er enghraifft:
 - a fyddai ar gael i chi petaech chi'n gwneud cais amdano;
 - sy'n ddyledus i chi ond nad ydych chi wedi ei gael eto;
 - yr ydych chi wedi eich amddifadu eich hun ohono er mwyn lleihau'r swm y mae'n rhaid i chi ei dalu am eich gofal a'ch cymorth (cyfeiriwch at Adran 4).
- Felly, eich incwm chi, at ddibenion yr asesiad ariannol, yw cyfanswm yr incwm gwirioneddol a'r incwm tybiannol.

3.3 Enillion

- Drwyddi draw, caiff enillion cyflogaeth a hunangyflogaeth yn unol â diffiniad Rheoliadau Llywodraeth Cymru, eu diystyru yn yr asesiad ariannol.

3.4 Lwfansau a Diystyrion

- O fewn asesiad ariannol personol, mae yna bob amser swm o arian na ellir ei drin fel pe bai ar gael i dalu ffi. Mae'r ffigur hwn yn amrywio ar gyfer gwahanol bobl oherwydd mae eu hincwm nhw'n cynnwys gwahanol fudd-daliadau a gwahanol ffynonellau incwm. Mae'r ffigur yn cael ei osod gan Lywodraeth Cymru ac mae'n cynnwys swm sy'n rhoi cyfrif am wariant sy'n gysylltiedig ag anabledd defnyddiwr gwasanaeth.
- Mae'r rhestr isod yn dangos y prif lwfansau a diystyrion sydd yn gymwys:-

- Unrhyw enillion cyflogaeth
- Lwfans Gofalwr
- Budd-dal Plant
- Taliadau Bonws adeg y Nadolig
- Treth y Cyngor
- Credyd Treth i Bobl Anabl
- Treth Incwm ac Yswiriant Gwladol
- Elfen Symudedd y Lwfans Byw i'r Anabl a'r Taliad Annibyniaeth Bersonol (yn hytrach na'r elfen ofal), Atodiad Symudedd y Pensiwn Rhyfel
- Treuliau a delir yn y gwaith
- Taliadau am Niwed trwy Frechiad a Thalidomide ynghyd â'r cynllun gwaed cymeradwy sy'n gysylltiedig â thaliadau iawndal o ran cynhyrchion gwaed halogedig
- Rhent/morgais
- £10.00 cyntaf Pensiwn Rhyfel Gŵr Gweddwr/Gwraig Weddw, Taliadau Incwm Gwarantedig goroeswyr Cynllun Iawndal y Lluoedd Arfog, pensiwn Anafiadau Rhyfel Sifiliaid, taliadau i ddioddefwyr erledigaeth Sosialwyr Cenedlaethol a Thaliadau i Gyn-garcharorion Rhyfel y Dwyrain Pell
- Gwerth eich cartref chi (ond dim eiddo arall)
- Pensiwn Atodol Gweddwon Rhyfel
- Taliadau tanwydd y gaeaf
- Credyd Treth i Deuluoedd sy'n Gweithio
- Pensiwn Anabledd Rhyfel wedi'i ddiystyru'n llwyr
- Hyd at £5.75 cyntaf neu £8.60 cyntaf (cwpl) y Credyd Cynilion

3.5 Costau sy'n ymwneud ag Anabledd

- Mae Llywodraeth Cymru wedi caniatáu diystyru gwariant sy'n gysylltiedig ag anabledd o 10% yn yr asesiad ariannol.
- Os oes gennych chi gostau eithriadol o ran anabledd yr hoffech chi inni eu hystyried yn yr asesiad ariannol, cysylltwch â'r Tîm Asesu Ariannol (mae'r manylion cyswllt i'w gweld yn Adran 8).

4. A allaf i gael gwared ar fy asedau o gwbl?

- Os byddwch chi'n cael gwared ar gynilion, arian neu asedau eraill neu'n gwerthu eiddo am lai na'i werth ar y farchnad cyn derbyn gofal a chymorth, neu wrth i chi dderbyn gofal a chymorth, efallai y byddwn yn eich asesu chi fel petai gwerth llawn yr ased gennych chi o hyd. Gallai'r sawl sy'n cael budd ddod yn atebol am unrhyw daliadau na fydd wedi'u talu.
- Byddwn yn gofyn i chi am amseriad y trosglwyddiad, y rheswm drosto, y derbynnydd a'i werth ariannol a byddwn yn defnyddio'r wybodaeth honno i benderfynu a fydd yr ased yn cael ei gynnwys neu ei ddiystyru o'r asesiad ariannol.

5. A oes angen imi ddweud wrthyich chi am unrhyw newid?

- Rhowch wybod inni ar unwaith:

- os bydd eich budd-daliadau/eich incwm yn cynyddu neu'n lleihau
 - os cewch chi unrhyw fudd-daliadau/incwm newydd
 - os cewch chi etifeddiaeth neu unrhyw drosglwyddiad arall
 - os bydd eich arbedion/cyfalaf yn mynd uwchlaw neu islaw i'r terfyn cyfalaf perthnasol fel y nodir yn Adran 13
 - os ewch chi i gostau newydd neu gostau ychwanegol o ganlyniad i newid yn eich anghenion chi am ofal a chymorth.
- Os ydych mewn Cartref Gofal ar sail seibiant neu dymor byr a'ch bod yn cael eich derbyn i'r ysbyty, fel arfer byddwn yn cadw'ch lleoliad ar gael hyd nes y penderfynir nad oes ei angen bellach, neu nad yw bellach yn addas i ddiwallu eich anghenion yn y dyfodol.

Yn ystod yr amser y byddwch yn yr ysbyty, codir tâl arnoch am hyd eich lleoliad nes y gwneir penderfyniad.

- Yn dilyn eich asesiad ariannol ar gyfer gofal a chymorth dibreswyl, byddwch yn gorfod talu hyd at a chan gynnwys y diwrnod y mae eich lleoliad yn dod i ben yn barhaol.

6. Sut mae talu?

- Mae 'na wahaniaethau yn y ffyrdd yr ydych yn talu eich tâl sydd yn dibynnu a yw'r gwasanaethau dderbyniwch yn cael eu trefnu neu'u darparu gan y Cyngor neu drwy daliadau uniongyrchol.
- Os ydych chi'n cael gwasanaethau trwy daliadau uniongyrchol, bydd unrhyw dâl sydd angen i chi ei dalu ar ôl yr asesiad ariannol yn cael ei ddidynnu o'r swm y bydd y Cyngor yn ei dalu i chi bob 4 wythnos. Bydd gofyn i chi dalu eich cyfraniad i gyfrif banc a fydd wedi'i sefydlu'n benodol i reoli eich taliadau uniongyrchol bob 4 wythnos.
- Ar gyfer y gwasanaethau mae'r Cyngor yn eu trefnu neu'n eu darparu, byddwn yn anfon anfoneb atoch chi bob 4 wythnos ar ffurf ôl-daliadau drwy'r post, neu'n electronig drwy e-bost os dyna yw eich dewis.
- Mae'n well gennym dderbyn taliadau trwy Ddebyd Uniongyrchol. Byddwn yn anfon ffurflen Debyd Uniongyrchol atoch chi i'w llanw ynghyd â datganiad o'r tâl yn sgil penderfyniad yr asesiad ariannol.
- Mae ffyrdd eraill o dalu wedi eu nodi ar gefn yr anfoneb gan gynnwys talu gydag arian parod yn y swyddfa daliadau leol, talu â siec a thalu ar-lein ar www.ceredigion.gov.uk

7. Os ydych chi'n credu bod eich Asesiad Ariannol chi'n anghywir

- Os ydych chi'n credu bod eich tâl chi wedi ei asesu'n anghywir, cysylltwch â'r Tîm Asesu Ariannol (mae'r manylion cyswllt i'w gweld yn Adran 8.0).
- Bydd Swyddog yn adolygu eich asesiad er mwyn cadarnhau bod yr holl ffigurau'n gywir ac nad oes dim gwybodaeth berthnasol ar goll. Os byddwch chi'n dal yn anfodlon â'r canlyniad, gallwch ofyn i'r rheolwr gynnal adolygiad ffurfiol.

- Gallwch chi hefyd ofyn i rywun sy'n annibynnol ar y Cyngor fwrw golwg dros y cyfrifiadau, er enghraifft, Cyngor ar Bopeth drwy ffonio 03444 772 020.

8. Manylion Cyswllt y Tîm Asesu Ariannol

Os ydych chi'n dymuno cysylltu â'r Cyngor ynglŷn â'ch taliadau, gallwch ysgrifennu at:

Y Tîm Asesu Ariannol,
Swyddog Arweiniol Corfforaethol: Cyllid a Chaffael,
Canolfan Rheidol,
Aberystwyth,
Ceredigion, SY23 3UE
Ffôn: 01545 572683 neu 01545 572612
E-bost: dss.assessments@ceredigion.gov.uk

9. Beth os wyf yn anfodlon â'r gwasanaeth neu os wyf am wneud cwyn?

- Er bod gan y rhan fwyaf o bobl brofiad cadarnhaol iawn o'r prosesau sy'n ymwneud ag asesiadau gofal, derbyn gwasanaethau gofal a chymorth a'r asesiad ariannol, weithiau gall hyn fod yn gymhleth.
- Os ydych chi'n anfodlon â'n gwasanaethau ni neu'n anfodlon â'r ffordd y cawsoch chi eich trin, mae gennych hawl i gwyno. Gallwch wneud hynny drwy gysylltu â'n Tîm Gwybodaeth a Chwynion. Ni fyddwch chi'n colli gwasanaethau o ganlyniad i wneud cwyn.
- Gallwch chi gysylltu â'r Tîm Gwybodaeth a Chwynion yn y ffyrdd canlynol:
 - Dros y ffôn ar 01545 574151
 - Ar e-bost complaints@ceredigion.gov.uk

10. Gyda phwy ddylwn i gysylltu i drafod fy anghenion gofal a chymorth?

- Dylech ffonio 01545 574000 neu'ch Gweithiwr Cymdeithasol, os oes gennych chi un.

11. Manylion cyswllt defnyddiol eraill:

Age Cymru Ceredigion- Y Gogledd	01970 615151
Age Cymru Ceredigion – Y De	01239 615777
Arolygiaeth Gofal a Gwasanaethau Cymdeithasol Cymru	0300 7900126
Gwasanaeth Gwybodaeth y Gofalwyr	01970 633564
Cyngor ar Bopeth	03444 772 020
<i>Independent Age</i>	0800 3196 789
Yr Adran Gwaith a Phensiynau	0800 882 200
Canolfan Byd Gwaith	0800 055 6688

12. Y Taliad Wythnosol Uchaf am Ofal a Chymorth Amhreswyl yn 2025/2026 (a osodir gan Lywodraeth Cymru):

- £100.00 yr wythnos

13. Y Terfyn Cyfalaf Perthnasol yn 2025/2026 ar gyfer Gofal a Chymorth Amhreswyl (a osodir gan Lywodraeth Cymru):

- £24,000.00 – nid yw cyfalaf sy'n is na'r terfyn hwn yn cael ei gynnwys yn yr asesiad ariannol

14. Codi Tâl am Ofal a Chymorth Amhreswyl

14.1 Y Taliadau Cyfradd Safonol am Wasanaethau Gofal a Chymorth ac Ataliol Lefel Isel

Cinio mewn Canolfan Ddydd	Y tâl am bob pryd	£8.00
Cinio mewn Clwb Cinio	Y tâl am bob pryd ar gyfer y defnyddwyr gwasanaeth sydd wedi'u hatgyfeirio a'r defnyddwyr gwasanaeth nad ydynt wedi'u hatgyfeirio.	£8.00
Technoleg Gynorthwyol (Teleofal)	Y tâl wythnosol	£7.60
	Ffi gosod untro	£50.00

14.2 Y Taliadau sy'n cael eu gosod gan Lywodraeth Cymru

Bathodynnau Glas	Bathodynnau Sefydliadau	£10.00
	Bathodynnau newydd yn lle hen rai (rhai personol neu rai sefydliadau ac eithrio'r rhai sydd wedi'u dwyn)	£10.00

14.3 Y Taliadau Gofal a Chymorth sy'n amodol ar Asesiad Ariannol a'r Tâl Wythnosol Uchaf a osodir gan Lywodraeth Cymru

Gwasanaeth gofal yn y cartref	Mae'r tâl fesul awr yn amodol ar Asesiad Ariannol a'r tâl wythnosol uchaf a osodir gan Lywodraeth Cymru.	£30.83
Taliadau uniongyrchol yn lle gwasanaethau gofal yn y cartref	Mae'r cyfraniad fesul awr yn amodol ar Asesiad Ariannol a'r tâl wythnosol uchaf a osodir gan Lywodraeth Cymru.	£17.52
Byw â chymorth	Mae'r tâl fesul awr yn amodol ar Asesiad Ariannol a'r tâl wythnosol uchaf a osodir gan Lywodraeth Cymru	£23.48
Cysylltu Bywydau (y Cynllun Lleoli Oedolion gynt)	Mae'r tâl am noson yn amodol ar Asesiad Ariannol a'r tâl wythnosol uchaf a osodir gan Lywodraeth Cymru.	£48.89
Arosiadau tymor byr (hyd at 8 wythnos) a gofal seibiant (hyd at 6 wythnos)	Sylwer bod Gwasanaethau Dibreswyl yn dâl wythnosol o ddydd Llun i nos Sul yn gynhwysol. Felly, os yw person mewn lleoliad seibiant neu leoliad tymor byr am 1 noson yn unig y tâl fydd naill ai ei dâl asesedig wythnosol (os yw'n berthnasol) neu'r uchafswm y cap wythnosol, p'un bynnag yw'r isaf.	£100.00
Daliadau uniongyrchol yn lle'r gwasanaethau hynny neu Gofal Preswyl	Fel yr uchod.	£100.00

Gallai'r taliadau sydd wedi'u cynnwys yn y llyfryn hwn newid. Fel arfer, mae'r newidiadau yn dod i rym ym mis Ebrill bob blwyddyn.

**Os hoffech chi gael y daflen mewn print bras,
cysylltwch â'r Tîm Asesu Ariannol ar
☎ 01545 572683 neu 01545 572612**

Mae'r ddogfen hon hefyd ar gael yn Gymraeg/this document is also available in English